

лишное в паче требы⁹⁰ служение отсекая, имъже и не хотя кто в безчислена неподобна падет.⁹¹ Удовляще убо, аще бы благоразумны быхом, и кратко сие Спасово повеление на исправление наше, и отложим излишное и неполезнаа удвлятися нужными, по глаголавшему вселеньскому учителю: «Имеюще брашна и одежи сими да удвлимся;⁹² хотящеи же богатети⁹³ впадут в напасти⁹⁴ и сети и вжеления⁹⁵ многа безумна и вредна, яже потопляють || човеков во исчежение⁹⁶ и пагубу. Корень бо всем злым л. 269 об. сребролюбие, его же неции желающе отпадоша от веры и себе обложиша болезнми многими.»^p

Что убо нам видится от сих речей, которым паче должно съхранати сих? Ефесяном ли, мужем мирьским, о них же Тимофею как повелевает апостол? Или нам иноком, иже отложимом вся мирьская пристрастиа, и аки запинающе нас к предложенному нам духовному подвигу? Еда разумеем ли, колико отстоим от апостольскаго житиа, паче же ли колико приражаемся богу преступлением апостольских повелений? Аще бо мирьским человеком, имъ же жены и дети имети леть есть, советуеть Павел ошаятися от излишших и доветися⁹⁷ нужными, яже пристяжаваять делающе своими руками, како нам попустит лихоимством питатися, имъ же повелевает инде горняя мудростовати, идеже Христос есть? Что глаголет Каласаем, услышим разумно: «Аще убо, рече, совоскресосте с Христом горняя взыскуйте, иде же Христос одесную бога седя; горняя мудростуйте, а не земная; умросте бо, и жизнь ва||ша скрыся с Христом л. 270 в бога». ^c Услышим и ужаснемся, кии бяше, имъ же сна повелеваша Павел, и кии мы есмя? Они мирьстии человеци, жены и дети имеюще, и паки тшахуса к апостольскому съвершению достигнути; мы же, мира отрешкесея и житие иноческое избравше, ниже в меру их произволим достигнути, ниже ревностию яже к ним водвижающесея, ниже последующими глаголы яже к ним уцеломудрим.⁹⁸

И глаголет бо сице: «Умртвите убо уды ваша, яже на земли — блуд, нечистоту, страсть, въжеление зло и лихоимание, еже есть идолослужение, их же ради приходит гнев божий на сыны непослушливыа». ^m Что к сим отвещаем многогрешнии? Сих ради безстудный аз у вас именуем есмь, дръз языком и осужаю есмь вами. Но что ми дети? Нужа бо ми належит, ⁹⁹ святыми писанми¹⁰⁰ просвещаемому, проповедати всем человеком путь спасения. Божественно бо есть слово глаголющее: «Ниедин свое да взыщеть, но еже ближняго кождо». ^y Что убо обижу вас, братиа, аще о спасении моем и вашем събесеую с вами? Ниже бо аз пръвъ, ниже последний и о сем бесеую. Польна изначала Спасова || церкви глаголавших л. 270 об. о II, ¹ злобе и добродетели и за истинну възненавидных бывших, не токьмо архиереев и священников и прочаго церковнаго чину, но иноков и просцов, ревность божию показавших, еще же иже на ² ны выше ³ в силу с высоты оболкшесея ⁴ о истинне мужествене подвигшесея. Всем бо божественная ревности поприше ⁵ отворися, и блажен иже в сие съвлечесея законе, зане по труду своему возмет мзду свою от Подвигоположника. И аще убо препираем сими вас, всяко прочее полезное прение отлождыше, познайте себе и исправление сподобите. Аще же не произволите беззаконно дръжима излишна житейска бремена отложите, поне не оправдантесея съгрешающе и на святаа писания лжуще, аки попушають вам сицевыми печальми

^p 1 Тимоф. 6. 9, 10. ^c Колос. 3. 1—3. ^m Колос. 3. 5, 6. ^y 1 кор. 10. 24.
⁹⁰ потребности C₁C₂C₃. ⁹¹ впадет C₁C₂C₃. ⁹² Так C₁C₂C₃; в ркп. удивимся.
^{93—94} Так C₁C₂C₃; в ркп. подавают в напастех. ⁹⁵ вжеления C₁C₂C₃. ⁹⁶ исчезновение C₁C₂C₃. ⁹⁷ довети C₁C₂C₃. ⁹⁸ уцеломудрями C₁C₂C₃. ^{99—100} святым писанием C₁C₂C₃.
^{II, 1} Так C₁C₂C₃; в ркп. и. ² Доб. из C₁C₂C₃. ³ Нет C₁C₂C₃. ⁴ Так C₁C₂C₃; в ркп. оболкше. ⁵ Нет C₁C₂C₃.